

意安爲號。元龜三年十月二十日死。

〔醫事漫錄四編〕德本翁傳

德本翁。長田氏。號知足齋。德本蓋其諱也。三河州大濱村人。其先不詳。所出翁爲人恬澹。寒窶自甘。不欽慕勢利。周遊四方。去就任意。大永享祿間。遊乎甲斐州。以醫爲客。于武田信虎。翁之爲醫也。超逸李朱。而并驅秦張。峻劑毒藥。機宜不誤。攻擊瞑眩。不避世誼。是以富貴膏粱之家。往々多忌懼者。而却見允於山野樸質之民。故居處不厭僻陋。天文年中。去之信濃州。諏訪郡東堀村居焉。天正之亂。武田氏亡後。再還甲斐州。自構草廬。號曰茅菴。出則頸掛藥囊。斜踞牛背。逍遙自適。馮陵富貴。憫恤貧賤。雖偶應權豪之招。取藥價。不過十八錢。蓋欲矯世醫之務赴勢利者也。寬永初。台廟不豫。百方無驗。官醫今大路氏勤翁之診治。因命召翁。翁時年百十有餘。乃掛囊踞牛。躍蹠而到于東都。一診便欲上峻劑。衆醫不肯。翁因詳辨其可否。台廟信而服之。數日奏効。賞賜尤厚。翁固辭不受。臨歸。乞藥價數十錢於政府。於是翁聲名聞達四方。遐邇無幾。復徙信濃州故居。自養。寬永七年庚午。春二月十四日卒。年百十有八。有男稱長田孫兵衛。嗣世。門人數十人。受其禁方書者僅二人。馬場德寬。今井德山。其人云。略中

樂只齋和久田寅謹識

〔德本翁遺方序〕長田德本翁。獨明三才之理。能曉醫術之要。考法於古。驗術於今。能超唐乘晉。獨入扁張之神域。卓然別立一家。言於大東。可不謂豪傑之士乎。其爲術。奇異偏僻。雖加攻擊。然西洋醫術。麻藥。劑未闢之前。蚤既開一大活眼。與中古五毒之方。以起沈痼廢疾者。幾千人。于嗟乎。亦奇哉。予祖父中村靜翁先生。伊豆下田之人也。嘗游甲斐。得德本遺方一篇於市川南屏先生。驗之於鄉里。篤癘奇患。應手而起矣。後傳之堀篠田化齋先生。先生傳之予朋友門人常見籍焉。以奏奇効。各寫而傳之。顧翁之此方。峻劑毒藥。譬之於劍。中有干將莫耶。分量診法。不得其法。則一匙之差。或有不可救者矣。故不敢傳於浮氣粗心之人。然竊恐傳播之廣。益致謬誤。遂刻之於家塾。見者能明三才之理。達病機之變。精診熟察。以